

Tuzla, 18.10.2024.
Br.pr. KP-IV-168/24

**Novi krug stipendija Fonda za stipendiranje "Prometej" Fondacije tuzlanske zajednice
Prilika za rast i promjene**

Fond za stipendiranje "Prometej" ponovo otvara vrata za studente Univerziteta u Tuzli! Ovo je vaša šansa da budete nagrađeni za svoj trud i angažman u zajednici. Ako ste aktivni u volonterskim aktivnostima i vjerujete u moć obrazovanja, ovo je prilika koju ne smijete propustiti.

Osnivači Fonda "Prometej" su mladi ljudi koji su na početku svojih karijera odlučili ulagati u budućnost Bosne i Hercegovine kroz obrazovanje. Oni vjeruju da svako od nas može doprinijeti razvoju društva, a vi možete biti dio te priče. Kroz dodjelu stipendija, Fond podržava studente koji ne samo da teže akademskom uspjehu, već i aktivno doprinose svojoj zajednici.

Ako u vrijeme podnošenja zahtjeva za stipendiranje navršavate 18 do 25 godina starosti, ako ste prvi put upisali drugu ili višu godinu dodiplomskog studija Univerziteta u Tuzli i ako ste ispunili sve obaveze iz prethodnog ugovora o stipendiranju (ukoliko ste i ranije bili korisnik stipendije ovog Fonda ili drugih fondova Fondacije), možete se prijaviti na link <https://fondacijatz.org/fond-prometej>. Ukupna vrijednost godišnje stipendije je 1.800 KM.

Stipendija "Prometej" nije samo finansijska podrška – to je prilika za lični i profesionalni rast. Kao stipendisti, postajete dio mreže mladih ljudi koji mijenjaju perspektive, stvaraju bolje uslove za buduće generacije i inspirišu na putu ka uspjehu.

Ako ste voljni da se angažujete, da učite i rastete, prijavite se za stipendiju Fonda "Prometej". Ovo je vaša prilika da budete prepoznati za svoj rad i da nastavite da gradite bolje društvo za sve nas.

Ne propustite ovu priliku!

Miren Aljić
Koordinator za komunikacije i odnose s javnošću
Fondacija tuzlanske zajednice

